

Scéal, Scéal, Scéal...



15 Meán Fómhair 2022 || Eagrán 114

Scéilíní, nuaíocht agus fógraí as Cois Fharraige.

Nóta ó na hOifigigh Pleanála Teanga...

Ba bhreá linn cloisteáil uaibh, a chairde! Má tá teachtaireachtaí nó scéalta tábhachtacha agaibh le scaipeadh, ná bíodh drogall ar bith oraibh teagmháil a dhéanamh linn: optchoisfharraige@gmail.com Cuireann muid fáilte 's fiche roimh scríbhneoirí an cheantair freisin má tá píosa agaibh le foilsiú - alt faisnéise, filíocht, nuaíocht nó fógra. Fáilte roimh chách! Tá súil againn go mbainfidh sibh taitneamh as an eagrán seo.





RANGANNA JIVEÁLA



Tá Ranganna Jiveála do Dhéagóirí Meánscoile á reáchtáil ag Fóram Chois Fharraige um Pleanáil Teanga i gcomhpháirt le Tuismitheoirí na Gaeltachta. Cuireadh tús leis na ranganna ar an Luan 12ú Meán Fómhair ag 7:30i.n. ach is féidir clárú fós! Cúrsa ceithre seachtaine a bheas ann. Beidh na ranganna ar siúl i Halla Pobail Ros an Mhíl agus gearrfar táille de €20 in aghaidh an duine ar an gcúrsa. Moltar clárú roimh ré, go luath, de bharr go mbeidh spásanna teoranta. Is féidir teagmháil a dhéanamh le meadhbh@tuismitheoiri.ie nó 091 869 571 le clárú nó má tá tuilleadh eolais ag teastáil uait.

Ranganna Jiveála do dhéagóirí meánscoile

Dé Luain ó 7.30i.n - 8.30i.n.

Cúrsa 4 seachtaine
ag tosú 12 Meán Fómhair

i

Halla Pobail Ros an Mhíl

Costas €20 an duine

Tuilleadh eolais & clárú:
meadhbh@tuismitheoiri.ie / 091 869 571

Spásanna teoranta! Caithfear clárú roimh ré!
Is í an Ghaeilge teanga na hócáide agus iarrtar cloí leis seo



BISEACH 2022

Tá ábhar á bhailiú ag coiste eagarthóireachta faoi láthair le cur san iris BISEACH 2022, a bheas á fhoilsiú ag Cumann Forbartha Chois Fharraige lár na míosa seo chugainn. Tá cuid mhaith ábhar tagtha isteach cheana don iris, ach bheadh fáilte faoi leith roimh sheanphictiúir nár foilsíodh cheana. Glacfar chomh maith le pictiúir ó bhainiseacha i gceantar Chois Fharraige a tharla le linn 2022. Is féidir pictiúir a chur i bhfoirm leictreonach chuig biseach2022@gmail.com nó is féidir teagmháil a dhéanamh leis an bhfoireann ag 086 4048881 le socrú a dhéanamh leis na pictiúir a sheoladh ar aghaidh.

RANGANNA CEOIL, AMHRÁNAÍOCHTA & DAMHSA

Tá téarma nua de ranganna ceoil, amhránaíochta agus damhsa á reáchtáil ag Tuismitheoirí na Gaeltachta. Cuirfear tús leis na ranganna ar an Luan 19ú Meán Fómhair. Cuirtear ranganna ar fáil i réimse leathan uirlisí, idir traidisiúnta agus nua-aimseartha. Beidh líon teoranta uirlisí ar fáil ar cíós ó bhainc uirlisí Thuismitheoirí na Gaeltachta. Bíonn an-éileamh ar na ranganna seo de ghnáth, mar sin, moltar clárú roimh ré le spás a dheimhniú. Is féidir tuilleadh eolais a fháil agus clárú ach teachtaireacht ríomhphoist a sheoladh chuig eolas@tuismitheoiri.ie.




RANGANNA GAEILGE DO THUISMITHEOIRÍ

Tá Ranganna Gaeilge do Thuismitheoirí á reáchtáil ag Fóram Chois Fharraige um Pleanáil Teanga. Cuireadh tús leis na ranganna le gairid ach tá fáilte roimh fhoghlaimeoirí nua fós. Beidh na ranganna ar siúl ar an Déardaoin @ 7i.n. in Inis Fáil, sa Spidéal. Le tuilleadh eolais, nó le clárú do na ranganna, is féidir teagmháil a dhéanamh le optchoisfharraige@gmail.com nó 083 010 6294. *Irish Classes for parents take place every Thursday @ 7pm The course will last six weeks, and will take place in Inis Fáil, Spiddal. To register, please contact optchoisfharraige@gmail.com or 083 010 6294*

LÉARSCÁIL NUA SNA FORBACHA

Nochtadh léarscáil poiblí nua sna Forbacha le gairid. Léiríonn an léarscáil siúlóidí sa cheantar, chomh maith le logainmneacha áitiúla. Tá an léarscáil nua le feiceáil ag Séipéal na bhForbacha. Coiste Bhailte Slachtmhara na bhForbacha atá freagrach as an léarscáil a choimisiniú.

Coinnigí súil amach!





Ranganna Gaeilge do Thuismitheoirí

(Irish classes for parents)


Ranganna ar fáil do dhaoine le roinnt
Gaeilge atá ranganna déanta
acu cheana féin.

(Classes suitable for parents,
who have some Irish
and have undertaken classes before.)

Déardaoin 15ú Meán Fómhair
(Thursday 15ú September)

Le clárú (Register):
optchoisfharraige@gmail.com

083 010 6294





CEARDLANNA LÚIBÍNÍ & AGALLAIMH BHEIRTE

Le Traolach Ó Conghaile

Dé Céadaoin 21 Meán Fómhair @ 7i.n.
(cúrsa 6 seachtaine)

Inis Fáil, An Spidéal (H91 X63V)



Clárú ag:

ocptchoisfharraige@gmail.com

Spásanna teoranta!!!



STIÚIDEO NUA FÍBÍN


Tá stiúideo nua teilifíse tógtha agus feistithe amach ag Meangadh Fíbin ar an Tulach, Baile na hAbhann. Is é an misean atá aige ná cláir chruthaitheacha don teilifís a fhorbairt, a thaispeáint agus a mhaoiniú don mhargadh baile agus idirnáisiúnta. Tá an stiúideo léiriúcháin nua mar chuid lárnach de phleananna Meangadh Fíbin don todhchaí, ag cur ábhar ar fáil do na craoltóirí náisiúnta agus tabharfaidh sé deis don chomhlacht raon níos leithne clár a thairiscint idir aicsean beo ar an láthair agus taifeadadh stiúideo-bhunaithe, a chiallaíonn go mbeidh gnó nua á fháil agus fostaíocht san earnáil teilifíse á mhéadú go háitiúil.



TRÁTH NA GCEIST SNA FORBACHA

Tá tráth na gceist á reáchtáil ag Club Iománaíochta Bearna/Na Forbacha ar an Déardaoin 22 Meán Fómhair 2022. Cuirfear tús leis an tráth na gceist @ 8i.n. ag Óstán Chois Fharraige. Beidh bia, deoch, craic agus neart duaiseanna le buachan ar an oíche! Rachaidh buaiteoirí na hoíche ar aghaidh go tráth na gceist CLG na Gaillimhe. Tá costas €10 an duine, nó €40 ar bhord le cur isteach ar an tráth na gceist. Is féidir do thicéad a chur in áirithe anois ach teagmháil a dhéanamh leis an gclub ag 083 073 0656.





RANGANNA GAEILGE

do dhaoine fásta

Ranganna Gaeilge do thosaitheoirí
(Irish Classes for beginners)

Dé Máirt 20ú Meán Fómhair

Inis Fáil, An Spidéal (H91 X63V)

(cúrsa 6 seachtaine a bheas ann)



Moltar clárú roimh ré ag
optchoisfharraige@gmail.com
(register early to avoid disappointment)



CLUB SCANNÁN SAILEARNA

Tar éis briseadh don samhradh beidh na scannáin ag filleadh ar Sheanscoil Sailearna ar an Déardaoin 29 Meán Fómhair. Idir sin agus an Nollaig, taispeánfar deich scannán ó thíortha éagsúla sa tSeanscoil, dhá scannán Gaeilge ina measc. Ar an liosta scannán don séasúr tá 'An Cailín Ciúin'. Scannán iontach Gaeilge atá ann agus is iomaí duais áta buaite aige ar fud an domhain chomh maith le hard mholadh ó léirmheastóirí. Taispeánfar 'An Cailín Ciúin' ar an Déardaoin, 6ú Deireadh Fómhair, le linn Féile Chois Fharraige. Tá liosta iomlán na scannán a bheas á dtaispeáint idir seo agus an Nollaig le fáil ar an suíomh idirlín

www.clubscannan.ie áit a bhfuil


eolas faoi bhallraíocht a shocrú, nó ticéad a cheannach do scannán.



SEOLADH LEABHAR 'PLUID' CHOIS FHARRAIGE

Beidh seoladh leabhar de chuid Eoghan Mac Cormaic, darbh ainm 'Pluid' ar siúl ar an gCéadaoin 21ú Meán Fómhair. Sa Chrúiscín Lán An Spidéal, a bheas an ócáid ar siúl agus cuirfear tús le cúrsaí @ 7:30i.n.

Labhróidh Eoghan faoin leabhar agus beidh deis ceisteanna a chur freisin. Fáilte roimh chách!





COSÁN NA NAOMH

Ní fada anois go mbeidh saothar úrnua ceoil leis an gceoltóir agus cumadóir iomráiteach Máire Breatnach, á léiriú ag Stiúideo Cuan sa Spidéal. Meascán de cheol agus filíocht a bheas ann, a thabharfaidh léargas ar leithinis Chorca Dhuibhne agus stair ársa an cheantair Gaeltachta seo. Beidh an veidhlín agus viola á sheinm ag Máire Breatnach in éineacht le Mick O' Brien ar na feadóga agus na píb uilleann, chomh maith le Noreen O' Donoghue ar an gcláirseach le dearadh fuaime ó Stephen O' Brien. Cuirfear tús leis an sraith nua ar an 27 Meán Fómhair, agus críochnóidh sé ar an 1 Deireadh Fómhair. Tosóidh sé @ 8:30i.n. chuile oíche. Tá an togra seo á reáchtáil ag Stiúideo Cuan i gcomhar le hEalaín na Gaeltachta agus An Chomhairle Ealaíon. Is féidir níos mó eolais a fháil faoi Chosán na Naomh ach teagmháil a dhéanamh le Stiúideo Cuan ag 091 553838 nó is féidir ticéad a cheannach ach 'Cosán na Naomh' a chuardach ar Eventbrite.



Cosán na Naomh

Coimisiún nua Ceoil le **Máire Breatnach**

**Máire Breatnach | Mick O'Brien
& Noreen O'Donoghue**

**Máirt 27 Meán Fómhair -
Satharn 1 D.Fómh. @ 8.30pm**

